

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Z A K L J U Ć A K
**o odbacivanju Zahtjeva za pokretanje postupka privrednog subjekta Akt.online d.o.o. Sarajevo
protiv privrednog subjekta BH Telecom d.d. Sarajevo zbog sumnje o postojanju zloupotrebe
dominantnog položaja**

Sarajevo
mart 2011. godine



Broj: 05-26-3-01-1-II/11
Sarajevo, 02.03.2011. godine

Na osnovu člana 25. stav (1) člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09); člana 116. stav (2) i člana 210. stav (1) Zakona o upravnom postupku („Službeni glasnik BiH“, br. 29/02, 12/04, 88/07 i 93/09), rješavajući po Zahtjevu za pokretanje postupka broj: 05-26-3-01-II/11 od 04.01.2011. godine podnesenom od strane privrednog subjekta Akt.online d.o.o. Sarajevo, Fra Anđela Zvizdovića broj 1 A/21, 71 000 Sarajevo, putem punomoćnika, advokata Branka Marića, Mehmeda Spahe 26, 71 000 Sarajevo, protiv privrednog subjekta BH Telecom d.d. Sarajevo, Obala Kulina bana 8, 71000 Sarajevo, zbog sumnje o postojanju zloupotrebe dominantnog položaja iz člana 10. Zakona o konkurenciji Konkurencijsko vijeće na 10. (desetoj) sjednici održanoj dana 02.03.2011. godine, je donijelo

ZAKLJUČAK

1. Odbacuje se kao preuranjen Zahtjev za pokretanje postupka podnesen od strane privrednog subjekta Akt.online d.o.o. Sarajevo, Fra Anđela Zvizdovića broj 1 A/21, 71000 Sarajevo protiv privrednog subjekta BH Telecom d.d. Sarajevo, Obala Kulina bana 8, 71000 Sarajevo, zbog sumnje o postojanju zloupotrebe dominantnog položaja u smislu člana 10. Zakona o konkurenciji.
2. Ovaj zaključak će biti objavljen u “Službenom glasniku BiH”, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće je dana 04.01.2011. godine pod brojem: 05-26-3-01-II/11 zaprimilo Zahtjev za pokretanje postupka (u daljem tekstu: Zahtjev) privrednog subjekta Akt.online d.o.o. Sarajevo, Fra Anđela Zvizdovića broj 1 A/21, 71 000 Sarajevo, (u daljem tekstu: Akt.online d.o.o. Sarajevo ili Podnosilac zahtjeva), putem punomoćnika, advokata Branka Marića, Mehmeda Spahe 26, 71000 Sarajevo, protiv privrednog subjekta BH Telecom d.d. Sarajevo Obala Kulina bana 8, 71000 Sarajevo, zbog sumnje o postojanju zloupotrebe dominantnog položaja u smislu člana 10. Zakona o konkurenciji (u daljem tekstu: Zakon).

Uvidom u dostavljeni Zahtjev, kao i uvidom u evidenciju Konkurencijskog vijeća, ustanovljeno je da je Konkurencijsko vijeće dana 04.09.2009. godine pod brojem: 01-05-26-028-II/09 zaprimilo Zahtjev za pokretanje postupka podnesen od privrednog subjekta Akt.online d.o.o. Sarajevo protiv privrednog subjekta BH Telecom d.d. Sarajevo, Obala Kulina bana 8, 71000 Sarajevo i privrednog subjekta Telekomunikacije Republike Srpske a.d. Banja Luka, Kralja Petra I Karadorđevića 93, 78 000 Banja Luka, zbog sumnje o postojanju zabranjenog sporazuma iz člana 4. Zakona i zloupotrebe dominantnog položaja, u smislu člana 10. stav (2) tačka a), b), c) i d) Zakona, te je dana 16.02.2010. godine donijelo Zaključak o pokretanju postupka broj: 01-05-26-028-11-II/09.

Na zahtjev privrednog subjekta Akt.online d.o.o. Sarajevo, Konkurencijsko vijeće je, Zaključkom broj: 01-05-26-28-47-II/09 od 14. juna 2010. godine, obustavilo postupak pokrenut Zaključkom Konkurencijskog vijeća broj: 01-05-26-028-11-II/09 od 16.02.2010. godine, i to: protiv privrednog subjekta Telekomunikacije Republike Srpske a.d., Banja Luka u cjelosti i protiv privrednog subjekta BH Telecom d.d. Sarajevo u dijelu koji se odnosi na sumnju o postojanju zabranjenog sporazuma iz člana 4. stav (1) tačka d) Zakona o konkurenciji.

Zahtjev za pokretanje postupka broj: 01-05-26-028-II/09 od 04.09.2009. godine i Zahtjev za pokretanje postupka broj: 05-26-3-01-II/11 od 04.01.2011. godine bazirani su na istom činjeničnom i pravnom osnovu, što navodi i sam Podnosilac zahtjeva.

Rješavajući po posebnom Zahtjevu za donošenje rješenja broj: 01-05-26-028-62-II/09 od 18.10.2010. godine, podnesenom od privrednog subjekta BH Telecom d.d. Sarajevo, Konkurencijsko vijeće je dana 04.11.2010. godine donijelo Rješenje broj: 01-05-26-028-63-II/09 kojim je utvrđeno da privredni subjekt BH Telecom d.d. Sarajevo, zbog protoka roka za donošenja rješenja o utvrđivanju postojanja zloupotrebe dominantnog položaja iz člana 41. stav (1) tačka c) Zakona o konkurenciji, ne zloupotrebljava dominantan položaj u smislu člana 10. stav (2) Zakona o konkurenciji.

Privredni subjekt Akt.online d.o.o. Sarajevo je dana 13.12.2010. godine pred Sudom Bosne i Hercegovine tužbom, broj: S1 3 U 003765 10 Fp, pokrenuo upravni spor protiv rješenja Konkurencijskog vijeća, broj: 01-05-26-028-63-II/09 od 04.11.2010. godine.

Obzirom da je upravni spor po tužbi broj: S1 3 U 003765 10 Fp od 13.12.2010. godine u toku, nisu se stekli uslovi za pokretanje upravnog postupka, odnosno razmatranje Zahtjeva privrednog subjekta Akt.online d.o.o. Sarajevo, zaprimljenog dana 04.01.2011. godine pod brojem: 05-26-3-01-II/11, te je odlučeno kao u dispozitivu.

Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednik

dr. Stjepo Pranjić